

প্রতিবন্ধী ব্যক্তির অধিকার ও সুরক্ষা সংক্রান্ত উপজেলা কমিটির সভার কার্যবিবরণী

সভাপতি	: শরীফ শাওন উপজেলা নির্বাহী অফিসার, সদরপুর, ফরিদপুর।
স্থান	: উপজেলা পরিষদ সভা কক্ষ
সময়	: সকাল ১১.০০ ঘটিকা
সভা অনুষ্ঠানের তারিখ	: ২০/০১/২০২৬ খ্রি.
উপস্থিতি	: পরিশিষ্ট “ক” দ্রষ্টব্য। [কমিটির সদস্যবৃন্দ]

সভায় আলোচনা ও সিদ্ধান্তসমূহ

আলোচ্যসূচি:

- ✓ **সুবর্ণ নাগরিক কার্ড প্রাপ্তির আবেদন যাচাই-বাছাই;**
- ✓ **উপজেলা স্বাস্থ্য কমপ্লেক্স সদরপুরে প্রতিবন্ধিতা শনাক্তকরণের নিমিত্ত নির্ধারিত কক্ষে যাচাই-বাছাই;**
- ✓ **বিবিধ;**

উপস্থিত সদস্যবৃন্দকে শুভেচ্ছা ও স্বাগত জানিয়ে সভা শুরু করা হয়। আলোচনা শুরু করার জন্য উপজেলা সমাজসেবা অফিসার সদরপুর, ফরিদপুর ও সদস্য-সচিবকে অনুরোধ জানানো হয়। অতঃপর তিনি আলোচ্য সূচি অনুযায়ী বিষয়সমূহ সভায় উপস্থাপন করেন। অতঃপর সভার আলোচ্য সূচি অনুযায়ী নিম্নরূপ আলোচনা ও সিদ্ধান্ত গৃহিত হয়;

ক্রমিক	আলোচনা	সিদ্ধান্ত	বাস্তবায়নকারী
০১	উপজেলা সমাজসেবা অফিসার সভায় জানান, প্রতিবন্ধী ব্যক্তির অধিকার ও সুরক্ষা আইন ২০১৩ এর ০৩ নং অনুচ্ছেদে প্রতিবন্ধীতার বিভিন্ন ধরণ ও ১৬ নং অনুচ্ছেদে প্রতিবন্ধী ব্যক্তির অধিকার বিবৃত রয়েছে। আইনে বর্ণিত এ সকল অধিকার সমূহ নিশ্চিতকল্পে সরকার নিরলস কাজ করছে। এছাড়া উক্ত আইনের ২৫ (৮) অনুচ্ছেদে কমিটি কর্তৃক প্রতিবন্ধী ব্যক্তির নিবন্ধন ও পরিচয়পত্র প্রদানের বিধান রয়েছে। আইনের ৩১ নং অনুচ্ছেদে সুবর্ণ নাগরিক বা প্রতিবন্ধী হিসেবে নিবন্ধন ও পরিচয়পত্র প্রাপ্তির বিধানাবলী বিবৃত রয়েছে। প্রতিবন্ধী ব্যক্তির অধিকার ও সুরক্ষা বিধিমালা ২০১৫'র অনুচ্ছেদ-৪ অনুসারে অত্র উপজেলায় প্রতিবন্ধী ব্যক্তি হিসেবে নিবন্ধন ও পরিচয়পত্র প্রাপ্তির লক্ষ্যে তফসিলে যুক্ত ফরম-৪ অনুসারে প্রথমে আবেদন গ্রহণ করা হয়। উক্ত ফরমে সংশ্লিষ্ট চিকিৎসকের প্রত্যয়ন বা প্রতিবন্ধীতার ধরণ ও মাত্রা নিরূপণ সাপেক্ষে কমিটির সভাপতি কর্তৃক নিবন্ধনের নিমিত্ত সিদ্ধান্ত প্রদান করা হয়ে থাকে। উক্ত সিদ্ধান্তের ভিত্তিতে কেবলমাত্র নিবন্ধনের জন্য মনোনীত ব্যক্তিদের জরিপ সম্পন্ন করা হয় ও বিধি মোতাবেক সুবর্ণ পরিচয়পত্র প্রদান করা হয়।	প্রতিবন্ধী ব্যক্তির অধিকার ও সুরক্ষা বিধিমালা ২০১৫' এর অনুচ্ছেদ-৪ অনুসারে প্রতিবন্ধী ব্যক্তি হিসেবে নিবন্ধন ও পরিচয়পত্র প্রাপ্তির লক্ষ্যে তফসিলে যুক্ত ফরম-৪ মোতাবেক প্রথমে আবেদন গ্রহণ, চিকিৎসক কর্তৃক প্রত্যয়ন সাপেক্ষে সভাপতি কর্তৃক জরিপের জন্য সদস্য-সচিব বা উপজেলা সমাজসেবা অফিসার বরাবর উক্ত আবেদন অগ্রায়ণের বিষয়ে সভায় সর্বসম্মতিক্রমে সিদ্ধান্ত গৃহিত হয়।	সংশ্লিষ্ট সকল
০২	উপজেলা সমাজসেবা অফিসার সভায় জানান, প্রতিবন্ধী ব্যক্তির অধিকার ও সুরক্ষা বিধিমালা ২০১৫ এর ০৪ নং অনুচ্ছেদে প্রতিবন্ধী ব্যক্তির নিবন্ধন ও পরিচয়পত্র প্রদানের বিধান থাকায় সংশ্লিষ্ট চিকিৎসকের প্রত্যয়ন সাপেক্ষে নিয়মিত জরিপ কার্যক্রম ও সুবর্ণ পরিচয় পত্র প্রদান করা হচ্ছে। তিনি আরও বলেন প্রতিদিন অসংখ্য মানুষ সুবর্ণ পরিচয় ও জরিপের জন্য উপজেলায় আসেন; বিক্ষিপ্তভাবে অভ্যাগত ব্যক্তিদের চিকিৎসকের মাধ্যমে শনাক্তকরণ ও ইউনিয়ন সমাজকর্মীদের মাধ্যমে জরিপ ফরম পূরণ অত্যন্ত সময় সাপেক্ষ এছাড়া অনুমোদিত ১৪ জন কর্মচারীর স্থলে বর্তমানে মাত্র ০৪ জন কর্মচারী কর্মরত রয়েছেন। ডাটা এন্ট্রি অপারেটরের কোন সৃজিত পদ না থাকা এবং অন্যান্য পদ শূন্য	সদরপুর উপজেলা স্বাস্থ্য কমপ্লেক্সের নির্ধারিত চিকিৎসক সমন্বয়ে গঠিত বোর্ডের মাধ্যমে প্রতিবন্ধীতার ধরণ ও মাত্রা নিরূপনের মাধ্যমে প্রতিবন্ধী ব্যক্তিদের নিবন্ধন (DIS) ডাটা এন্ট্রি সাপেক্ষে আবেদনকারী ব্যক্তিবর্গের মধ্যকার সরেজমিন যাচাইয়ে পরিশিষ্ট-খ তালিকা অনুসারে ৩২ (বত্রিশ) জন ব্যক্তির আবেদনের বিপরীতে সুবর্ণ পরিচয় পত্র বিতরণের বিষয়ে	০১। উপজেলা স্বাস্থ্য ও পরিবার পরিকল্পনা কর্মকর্তা, সদরপুর। ০২। উপজেলা সমাজসেবা কর্মকর্তা

	<p>থাকায় যথাসময়ে ডাটা এন্ট্রি ও সুবর্ণ পরিচয় পত্র সরবরাহ দুরূহ হয়ে পড়েছে। বিগত সভায় প্রতি মাসের ১ম মঙ্গলবার জরিপ কার্যক্রম পরিচালনা ও ৩য় মঙ্গলবার প্রিন্টেড সুবর্ণ পরিচয় পত্র সরবরাহের জন্য সময় নির্ধারিত থাকে। নীতিমালা অনুযায়ী প্রতিবন্ধীতার ধরণ ও মাত্রা নিরূপণে একাধিক চিকিৎসকের সমন্বয়ে গঠিত মেডিকেল বোর্ড কর্তৃক উপস্থিত ব্যক্তিদের শনাক্তকরণের মাধ্যমে সভাপতি অনুমোদিত ব্যক্তিদের সফটওয়্যারে ডাটা এন্ট্রি (নিবন্ধন) পূর্বক সুবর্ণ পরিচয় পত্র প্রদান করা হয়। বর্তমানে উক্ত প্রক্রিয়া অনুসরণ পূর্বক ৪০ জনের আবেদন রয়েছে। যাচাই-বাছাই সাপেক্ষে অনুমোদিত ব্যক্তিদের অনুকূলে সুবর্ণ নাগরিক কার্ড প্রদানের নিমিত্ত অদ্যকার সভায় বিস্তারিত আলোচনা হয়।</p>	<p>বিস্তারিত আলোচনা হয় এবং উক্ত তালিকা অনুসারে সুবর্ণ পরিচয় পত্র প্রদানে সভায় সর্বসম্মতিক্রমে সিদ্ধান্ত গৃহীত হয়। অনলাইনে ভাতার আবেদন চলমান থাকায় ইতোমধ্যে যেসব আবেদনের বিপরীতে সুবর্ণ নাগরিক কার্ড ইস্যু করা হয়েছে সেগুলোও সভায় ভূতাপেক্ষভাবে অনুমোদনের সিদ্ধান্ত গৃহীত হয়।</p>	
০৩	<p>উপজেলা সমাজসেবা অফিসার সভায় জানান, সুবর্ণ নাগরিক পরিচয় পত্র পেতে বিধিমালা-২০১৫ এর অনুচ্ছেদ-৪ এ বর্ণিত বিধানমতে প্রতিবন্ধী ব্যক্তি নিজে অথবা তাঁর পক্ষে পরিবারের সদস্যদের ফরম-৪ পূরণ করে সরাসরি উপজেলা নির্বাহী অফিসার ও সভাপতি বরাবর আবেদনের বিষয় উল্লেখ রয়েছে। অত্র উপজেলায় অনেক প্রতিবন্ধী ব্যক্তি/পরিবারের সদস্য সরাসরি চিকিৎসকের স্বাক্ষর গ্রহণপূর্বক কার্ডের জন্য আবেদন করেন, দৃশ্যমান ক্ষেত্রে প্রতিবন্ধী শনাক্ত করা গেলে সেটি সরাসরি নিষ্পত্তি করা সম্ভব হলেও অনেকক্ষেত্রে প্রতিবন্ধীতার যেসব ধরণ সরাসরি দৃশ্যমান নয় সেগুলোর সপক্ষে প্রমাণক প্রয়োজন পড়ে বিধায় সেগুলো যথাযথ ডকুমেন্টস ছাড়া নিষ্পত্তি সম্ভব হয়না। এক্ষেত্রে আবেদনকারীগণ সংস্কৃদ্ধ হোন কখনো কখনো সংশ্লিষ্ট জরিপকারীকে বিড়ান্বনাও পড়তে হয়; এসব পরিস্থিতি হতে উত্তরণের নিমিত্ত ফরম-৪ পূরণ ও চিকিৎসকের প্রত্যয়ন সাপেক্ষে সভাপতি বরাবর আবেদন দাখিল ও উক্ত আবেদনে সভাপতি তথা উপজেলা নির্বাহী অফিসারের সিদ্ধান্ত গ্রহণ জরুরী প্রতীয়মান হওয়ায় এ বিষয়ে বিস্তারিত আলোচনা হওয়া আবশ্যিক। সভায় এ বিষয়ে বিস্তারিত আলোচনা হয়।</p>	<p>প্রতিবন্ধীতার ক্যাটাগরি ও মাত্রা নিরূপণে প্রয়োজনীয় প্রমাণক, চিকিৎসা বা মেডিকেল টেস্ট রিপোর্ট সহকারে বিধিমালা-২০১৫ এর তফসিলে বর্ণিত ফরম-৪ এর নির্ধারিত তথ্যাদি পূরন সাপেক্ষে উপজেলা স্বাস্থ্য কমপ্লেক্স সদরপুরের নির্ধারিত চিকিৎসকের প্রত্যয়ন গ্রহণ সাপেক্ষে কমিটির সভাপতি তথা উপজেলা নির্বাহী অফিসার বরাবর সুবর্ণ পরিচয় পত্র প্রদানের সিদ্ধান্ত গ্রহণের নিমিত্ত আবেদন দাখিলের বিষয়ে সিদ্ধান্ত গৃহীত হয়।</p>	<p>০১। উপজেলা নির্বাহী অফিসার ০২। উপজেলা স্বাস্থ্য ও পরিবার পরিকল্পনা কর্মকর্তা সদরপুর, ফরিদপুর ০৩। উপজেলা সমাজসেবা অফিসার সদরপুর, ফরিদপুর।</p>
০৪	<p>সুবর্ণ পরিচয় প্রাপ্তির আবেদনকারী যেসব ব্যক্তিদের আবেদন সংশ্লিষ্ট কমিটির নিকট নামঞ্জুর হবে তাঁদেরকে বিধি মোতাবেক লিখিত পত্র দ্বারা জানিয়ে দেওয়া আবশ্যিক বিবেচনায় তাঁদের জরিপফরম অফিসে নথিজাত করে তাঁদের (আবেদনকারীকে) জানিয়ে দেওয়ার বিষয়ে সভায় আলোচনায় হয়। এছাড়া যাদের আবেদন পুনঃযাচাই আবশ্যিক বিবেচনায় মেডিকেল বোর্ডে উপস্থাপনের জন্য সরেজমিন উপস্থিতির জন্য ডাকা হয় তাঁদের মধ্যে ০৮ (আট) জনের মধ্যে ০৪ (চার) জন উপস্থিত থাকেন। মেডিকেল বিশেষজ্ঞ ও বোর্ড কর্তৃক উপস্থিত চার জনের মধ্যে ০২ (দুই) জনের তথ্য যাচাইয়ে সঠিক থাকায় তাঁদের অনুকূলে কার্ড ইস্যু এবং অপর (০২) দুই জনের আবেদন নামঞ্জুর বা অ-অনুমোদিত তালিকায় রাখা হয়। অনুপস্থিত ০৪ (চার) জন আবেদনকারীর আবেদন পরবর্তী সভায় ও মেডিকেল বোর্ডে পুনঃরায় উপস্থাপনের বিষয়ে আলোচনা হয়।</p>	<p>অনুপস্থিত ব্যক্তিদের আবেদন পরবর্তী সভায় এবং আবেদনকারী ব্যক্তিদের মধ্যে অনিবার্যকারণে যেসব ব্যক্তির আবেদন কমিটি কর্তৃক নামঞ্জুর করা হয়েছে তাঁদের তালিকা পরিশিষ্ট-গ ০২ (দুই) জনের নাম অ-অনুমোদিত থাকে। অ-অনুমোদিত ব্যক্তি বা আবেদনকারীকে বিধিমোতাবেক চিঠি দ্বারা অবহিত করার সিদ্ধান্ত বিষয়ে সভায় সিদ্ধান্ত হয়।</p>	<p>০১। উপজেলা সমাজসেবা অফিসার সদরপুর, ফরিদপুর।</p>
০৫	<p>সদস্য-সচিব সভায় জানান যে প্রতিবন্ধীতা শনাক্তকরণে কমিটির সভাপতি কর্তৃক স্মারক: ৩৪০ তারিখ: ১৮/০৯/২০২৫ খ্রি. মোতাবেক উপজেলা স্বাস্থ্য ও পরিবার পরিকল্পনা কর্মকর্তাকে 'প্রতিবন্ধীতা শনাক্তকরণের নিমিত্ত উপযুক্ত একজন চিকিৎসক (বিকল্পসহ) দায়িত্ব প্রদান ও শনাক্তকরণে উপস্থিতির নিমিত্ত' পত্র প্রেরণ করা হয়। উপজেলা স্বাস্থ্য কমপ্লেক্সের শিশু বিশেষজ্ঞ বা প্রতিবন্ধীতা শনাক্তকরণে প্রশিক্ষণ প্রাপ্ত বা প্রশিক্ষণ না থাকলে প্রশিক্ষণের ব্যবস্থাগ্রহণ</p>	<p>উপজেলা স্বাস্থ্য ও পরিবার পরিকল্পনা কর্মকর্তার মনোনীত দুই (০২) জন চিকিৎসক, উপজেলা স্বাস্থ্য কমপ্লেক্সে সদরপুরের মেডিকেল অফিসার জনাব ডাঃ গোলাম রাস্কানী (মূল দায়িত্ব) এবং জনাব ডাঃ মোঃ সালাউদ্দিন কে বিকল্প দায়িত্বসহ</p>	<p>০১। সংশ্লিষ্ট সকল</p>

	<p>সহ 'স্বাস্থ্য সেবা বিভাগে'র নম্বর: ১৬ তারিখ: ২২/০১/২০২০ খ্রি. সংখ্যক 'পরিপত্র' অনুসারে অত্র উপজেলার স্বাস্থ্য কমপ্লেক্সের একজন ডেডিকেটেড চিকিৎসককে দায়িত্ব প্রদান ও একজন চিকিৎসককে বিকল্প দায়িত্ব প্রদানপূর্বক স্বাক্ষর সত্যায়নসহ উপজেলা নির্বাহী অফিসার ও উপজেলা সমাজসেবা অফিসারের কার্যালয়কে অবহিত করার অনুরোধ করা হয় এবং স্মারক: ১০ তারিখ: ১১/০১/২০২৬ খ্রি. তারিখে দ্বিতীয় তাগিদপত্র প্রেরণ করা হয়। উপজেলা স্বাস্থ্য ও পরিবার পরিকল্পনা কর্মকর্তা স্মারক: ১৮ তারিখ: ১৪/০১/২০২৬ খ্রি. মোতাবেক উপজেলা স্বাস্থ্য কমপ্লেক্স সদরপুর, ফরিদপুরের মেডিকেল অফিসার জনাব ডাঃ গোলাম রাব্বানী কে মূল দায়িত্ব এবং জনাব ডাঃ মোঃ সালাউদ্দিন কে বিকল্প দায়িত্বসহ প্রতিবন্ধীতা শনাক্তকরণের দায়িত্ব প্রদানপূর্বক পত্র প্রেরণ করেন।</p>	<p>প্রতিবন্ধীতা শনাক্তকরণের দায়িত্ব প্রদান করায় তাঁদের স্বাক্ষরিত ও শনাক্তকৃত ব্যক্তিদের অনুকূলে সুবর্ণ নাগরিক কার্ড ইস্যু করার বিষয়ে সভায় সর্বসম্মত সিদ্ধান্ত গৃহীত হয়।</p>
<p>০৬ সভায় বিবিধ আলোচনা</p> <p>সদস্য-সচিব জানান যে, প্রতিবন্ধী ব্যক্তির অধিকার ও সুরক্ষা আইন ২০১৩ এর ৩৭ (৫) অনুচ্ছেদে 'কোন ব্যক্তি অসত্য বা ভিত্তিহীন তথ্য প্রদানের মাধ্যমে প্রতিবন্ধী হিসেবে নিবন্ধিত হইলে বা পরিচয়পত্র গ্রহণ করিলে তা এই আইনের অধীনে অপরাধ হইবে এবং তিনি উক্ত অপরাধের জন্য অনধিক ০১ (এক) বছর কারাদন্ড বা অনধিক ১০ (দশ) হাজার টাকা অর্থদন্ড বা উভয় দন্ডে দন্ডিত হইবেন' উক্ত আইনের ৩৭ (৬) অনুচ্ছেদে 'কোন ব্যক্তি জালিয়াতির মাধ্যমে পরিচয়পত্র তৈরি করিলে উহা এই আইনের অধীনে অপরাধ হইবে; তিনি উক্ত অপরাধের জন্য অনধিক ০৭ (সাত) বছরের কারাদন্ড বা অনধিক ৫ (পাঁচ) লক্ষ টাকা অর্থদন্ড বা উভয় দন্ডের দন্ডিত হইবেন' মর্মে বিধান রয়েছে। অত্র উপজেলায় সাম্প্রতিক কিছু ঘটনায় প্রকৃতপক্ষে প্রতিবন্ধী নন কিন্তু বিভিন্ন ডায়গনস্টিক সেন্টার বা বে-সরকারি বিভিন্ন হাসপাতাল হতে শ্রবণ প্রতিবন্ধীতা বা অদৃশ্যমান ক্যাটাগরির প্রতিবন্ধীতা রয়েছে মর্মে দাবীপূর্বক উক্ত রিপোর্ট সংযুক্ত করে জরিপের জন্য আসেন। অনেক ক্ষেত্রে উক্ত রিপোর্টে স্বাক্ষর থাকেনা, অনেক রিপোর্ট স্ক্যানকরে টেম্পারিং কিংবা সঠিক রিপোর্ট নয় মর্মে প্রতীয়মান হলেও 'অসাবধনতা বশত' চিকিৎসক কর্তৃক উক্ত রিপোর্ট আমলে নিয়ে সংশ্লিষ্ট ব্যক্তিদের প্রতিবন্ধী হিসেবে শনাক্ত ও প্রত্যয়ন করা হচ্ছে যা গভীর উদ্বেগের বিষয়। প্রতিবন্ধীতার ধরণ ও মাত্রা নিরূপনে আইন অনুযায়ী কেবলমাত্র স্বাস্থ্য অধিদপ্তরের নির্দেশনায় মনোনীত চিকিৎসক কর্তৃক শনাক্তকরণের ক্ষমতা দেওয়া হয়েছে। ফলে চিকিৎসকের সঠিক প্রত্যয়ন নিশ্চিত করা না গেলে অনেক অ-প্রতিবন্ধী ব্যক্তিও সুবর্ণ নাগরিক হিসেবে অন্তর্ভুক্তির সুযোগ নিতে পারেন। ফলে উপজেলা স্বাস্থ্য কমপ্লেক্সের চিকিৎসক কর্তৃক সর্বোচ্চ সতর্কতার সহিত শনাক্তকরণ ও প্রত্যয়ন প্রদান আবশ্যিক। সভায় উপজেলা নির্বাহী অফিসার সংশ্লিষ্ট চিকিৎসকদের প্রয়োজনীয় প্রশিক্ষণ প্রদানের বিষয়ে অভিমত ব্যক্ত করেন।</p>	<p>সভায় আইন ও বিধি অনুসারে প্রতিবন্ধী হিসেবে শনাক্তকরণ, মাত্রা ও ধরণ নিরূপনে চিকিৎসক কর্তৃক সঠিকভাবে প্রত্যয়ন নিশ্চিতের বিষয়ে এবং বিভিন্ন ডায়গনস্টিক সেন্টার বা বে-সরকারি হাসপাতালের মেডিকেল রিপোর্টে উল্লিখিত বিশেষজ্ঞ চিকিৎসকের স্বাক্ষর নাম, BMDC নিবন্ধন নম্বর যাচাই সাপেক্ষে সংযুক্ত রিপোর্ট শতভাগ সঠিক কিনা সেটি নিশ্চিত হয়ে, (ধরন ও মাত্রা নিরূপন) প্রত্যয়ন ও প্রতিবন্ধীতা শনাক্তকরণে সংশ্লিষ্ট সকল চিকিৎসকগণ সর্বোচ্চ সতর্কতার সাথে দায়িত্ব পালন করেন কিনা সে বিষয়ে পুনরায় উপজেলা স্বাস্থ্য ও পরিবার পরিকল্পনা কর্মকর্তা কর্তৃক তদারকি ও মনিটরিং এর বিষয়ে গুরুত্বারোপ করা হয়। যেহেতু সংশ্লিষ্ট চিকিৎসক ব্যতীত মেডিকেল পরীক্ষা রিপোর্ট অন্য কারও পাঠোদ্ধার এবং সিদ্ধান্ত দেওয়ার সুযোগ নেই সেহেতু কেবলমাত্র চিকিৎসকের শনাক্তকরণই সুবর্ণ কার্ড প্রাপ্তির প্রধানতম শর্ত, বিধায় প্রতিবন্ধীতার ধরণ ও মাত্রা নিরূপনে চিকিৎসক কর্তৃক সর্বোচ্চ সতর্কতার সাথে অর্পিত দায়িত্ব পালনের বিষয়ে সিদ্ধান্ত গৃহীত হয়</p>	<p>০১। উপজেলা স্বাস্থ্য ও পরিবার পরিকল্পনা কর্মকর্তা, সদরপুর, ফরিদপুর</p>

০২। সভায় আর কোন আলোচনা না থাকায় উপস্থিত সদস্যদের ধন্যবাদ জানিয়ে সভা সমাপ্তি ঘোষণা করা হয়।


 (শরীফ শাওন)
 উপজেলা নির্বাহী অফিসার

সভাপতি

প্রতিবন্ধী ব্যক্তির অধিকার ও সুরক্ষা সংক্রান্ত উপজেলা কমিটি

গণপ্রজাতন্ত্রী বাংলাদেশ সরকার
উপজেলা সমাজসেবা কার্যালয়
সদরপুর, ফরিদপুর
www.dss.sadarpur.faridpur.gov.bd

গণপ্রজাতন্ত্রী বাংলাদেশ সরকার
সংসদ নির্বাচন
দেশের চারি
আপনার হাতে

নম্বর: ৪১.০১.২৯৮৪.০০০.১৬.০১২.২৬- ২৬

তারিখ: ০৬ মাঘ ১৪৩২ বঙ্গাব্দ
২০ জানুয়ারি ২০২৬ খ্রিষ্টাব্দ

সদয় অবগতি ও প্রয়োজনীয় প্রয়োজ্য ক্ষেত্রে ব্যবস্থা গ্রহণের জন্য অনুলিপি প্রেরণ করা হলো:

- ১। পরিচালক (কার্যক্রম) সমাজসেবা অধিদপ্তর, আগারগাও ঢাকা।
- ২। পরিচালক, বিভাগীয় সমাজসেবা কার্যালয়, ৩/২০ হুমায়ুন রোড, মোহাম্মদ পুর, ঢাকা।
- ৩। জেলা প্রশাসক, ফরিদপুর।
- ৪। সিভিল সার্জন, ফরিদপুর।
- ৫। উপপরিচালক, জেলা সমাজসেবা কার্যালয়, ফরিদপুর।
- ৬। উপজেলা নির্বাহী অফিসার সদরপুর, ফরিদপুর।
- ৭। উপজেলা স্বাস্থ্য ও পরিবার পরিকল্পনা কর্মকর্তা, সদরপুর, ফরিদপুর। [তাকে জরিপ কার্যক্রমে তীর অধিক্ষেত্রে 'প্রতিবন্ধিতার ধরণ ও মাত্রা' নিরূপণে মনোনীত চিকিৎসকের উপস্থিতি নিশ্চিতকরণের জন্য অনুরোধ করা হলো।]
- ৮। চেয়ারম্যান..... ইউনিয়ন পরিষদ (সকল) সদরপুর, ফরিদপুর। [তাকে প্রতিবন্ধী ব্যক্তির নিবন্ধন ও সুবর্ণ নাগরিক পরিচয় পত্র প্রদানের লক্ষ্যে মাসের ১ম মঙ্গলবার জরিপকার্যক্রম ও তৃতীয় মঙ্গলবার সুবর্ণ পরিচয় পত্র প্রদান বিষয়ে সংশ্লিষ্ট ইউপি সদস্য ও সর্বসাধারণকে সম্যক অবহিতকরণে উদ্যোগ গ্রহণে অনুরোধ করা হলো।]
- ৯। ইউনিয়ন সমাজকর্মী (জরিপকারী), সংশ্লিষ্ট ইউনিয়ন (সকল) উপজেলা সমাজসেবা কার্যালয়, সদরপুর, ফরিদপুর। [তাকে নামঞ্জুরকৃত আবেদনকারী ব্যক্তিদের পরিশিষ্ট-গ তালিকা অনুসারে আবেদন খারিজের বিষয়ে পত্র প্রেরণের পদক্ষেপ গ্রহণের জন্য নির্দেশনা প্রদান করা হলো।]
- ১০। অফিস কপি।

কাজী শামীম আহমেদ
উপজেলা সমাজসেবা অফিসার
ও

সদস্য-সচিব

প্রতিবন্ধী ব্যক্তির অধিকার ও সুরক্ষা সংক্রান্ত উপজেলা কমিটি

ফোন: ০২-৪৭৭৭৯৮১১১

E-mail: usso.sadarpur@dss.gov.bd